

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Quæst. XII. An Capitulum Papæ vel Metropolitano immediatè subesse  
possit dici, etsi Papa vel Metropolitanus suam super illud Jurisdictionem  
proximè non exerceat, nec per se nec per alios?

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

runt, sed & Vitam Conjugalem Viventes, ab Episcopi Jurisdictione liberæ esse deberent.

Quoad Posteriorem Rationem pro Monachis allegata, fatendum, quod si Capitulum Saculare, ab Episcopo Exemptum, non habeat, qui illud vistet, corrigit, illius Exemptio favorabilis minus erit, quam similis Monasterii Visitatorem habentis Exemptio.

### QUÆSTIO XII.

*An Capitulum Papæ vel Metropolitanum immediate subesse possit dici, et si Papa vel Metropolitanus suam super illud Jurisdictionem proxime non exerceat, nec per se, nec per alios?*

*Quærendi causa:* Diferendum videtur de Capitulo pariter, ad de Privato. Iste autem suo Episcopo immediate subjici non dicitur, nisi Episcopus in illum suam proxime exerceat Jurisdictionem, id est, nisi in primâ Instantiâ illum judicet; non ergo dici poterit, Capitulum Papæ immediate subesse, nisi in illud Papa suam proximè exerceat Jurisdictionem, vel per se, vel per alium, sive nisi de illius Casus in primâ Instantiâ cognoscatur.

*Respondetur,* Affirmativam Sententiam videri sequendam, nec valere similitudinem; cum Privatus sui ipsius Judge esse nequeat, Collegio vero quolibet Memborum judicare licet. Cujus Rei exempla passim subministrant quavis Judicium Curia: Ratio distinctionis inter Corpus, & Privatum quilibet evidens est, cum Corpus sit capax Jurisdictionis, illamque habere posse à Lege, vel acquirere per Consuetudinem, aut per Praescriptionem; è contrâ Privatus quilibet Jurisdictionis circa se ipsum incapax est, ideoque nullo ex his modis acquirere potest.

Nec dicas, quod immediate subjici alicui, idem sit, ac non alium primum Judicem cognoscere: id enim intelligendum de alio Judge, qui à Collegio distinguatur, quando de Collegio agitur.

Quæret forsitan aliquis, Unde Collegia Jurisdictionem in se ipsa exercentia illam acceperint? Si qua Metropolitano immediate subjœcta in secundâ Instantiâ ad Metropolitanum recurrent, nec ille habeat ullos Casus, de quibus in primâ Instantiâ cognoscatur, usurpare videntur, quia illam accipere non potuerunt à Metropolitano, alioquin à Metropolitano ad ipsum Metropolitanum appellaretur, cum Collegia ista illius Vicarii essent in totâ Jurisdictione, ideoque idem cum ipso Tribunal haberent Metropolitanum. Nec etiam à Papâ illam Jurisdictionem accipere potuerunt, quia Metropolitanum immediate subjicere volens, ipsos sui ipsorum Judges in primâ Instantiâ non constituit. Si vero praedicta Collegia Papa immediate subfiant, Jurisdictionem in se ipsa à Papâ accipere potuerunt, quia eti Papæ Vicarii essent, ab illis ad Papam in secundâ Instantiâ appellari posset, cum Jurisdictionis illius portionem tantum haberent; nec dici posset, quod prædicto Casu totam, quam habebet ut illorum Collegiorum Ordinarius, Jurisdictionem daret, quia sunt Casus Papæ etiā ut Judici Ordinario, sive Primo, reservati, quos non committeret, ideoque totam, quæ ad se pertinet, Jurisdictionem, ut Ordinarium, non communicaret.

### QUÆSTIO XIII.

*An Exemptiones, quibus Episcoporum Subditi Metropolitanis immediate subjiciuntur, preferenda sint iis, quibus iidem immediate subsunt Papæ?*

*Quærendi causa:* Postiores non solum honorabiles, sed etiam utiliores videntur, cum potentius præsidium Exempti procurent.

Attramen *Respondetur*, Posterioribus Priors præfendas, tūm quia Exemptorum, qui Papæ proximè subfunt, necessitas, utilitasque illum cogit, ut Inspectores, Visitatoresque in Partibus deputet; tūm quia hujusmodi Exemptiones onerant Papam, non honorant, atque hinc vilipendendi locus.

Metropolitanus vero hinc multum honoratur, ideo-

que in hoc habet, quod illas estimet: tūm quia tot tantisque diftensus negotiis Papa nativo Gregi vix attendere potest, Metropolitanus vero paucioribus minoribusque preffis, addita Gregi suo portiuncula regenda satis sufficit; tūm, denum quia quicunque in partibus suo Superiore caret, quodammodo Acephalus est, cum sine Capite convenienter esse videatur; quam postremam rationem ex C. 8. DIST. XCIII. colligere licet.

### QUÆSTIO XIV.

*An certum sit, Privilegium vel Exemptionem amitti uno actu contrario?*

*Quærendi causa:* Privilegium, seu Exemptio non acquiritur uno actu, sed pluribus ad hoc opus est, ac præterea possessione pacificâ non interruptâ per 40. annos; videtur ergo, quod amitti non debeat uno actu, cum per qualcunquam causas res nascitur, per easdem dissolvatur, C. 1. De Regulis Juris. Hinc etiam adduci potest C. 4. de Confirm. utili. Docere enim videtur, Privilegium non amitti a cibis contraria, nisi durent per tempus ad Praescriptionem requisitum, cum declaret Episcopum Hildesemensem non manutendum in possessione Jurisdictionis, in Monasterium suæ Dicecesis Sedi Apostolicâ immediatè subditum per Privilegium, nisi ea per 100. annos sine interruptione fructus fuerit.

Allatis Argumentis adversari videntur C. 8. De Confess. & C. 22. De Præb. In priori dicitur, quod suppressione alicuius Dignitatis facta autoritate Capituli, & à Sede Apostolicâ confirmata, uno actu contrario revocetur, nimis unica ad hanc Dignitatem promotione ab ipso Capitulo facta; In posteriori habetur, quod Capitulum, cui indultum est à Sede Apostolicâ, ne plures sint in eo Canonici quam 40. amittat hoc Indultum, si quem creet Canonicum ultrâ hunc numerum. Iisdem quoque Argumentis repugnare videatur ipsa ratio, nam Privilegiatus agens contrâ Privilegium, actione suâ illi renuntiare censetur, & hæc renuntiatio tacita unicâ actione fieri potest, sicut & expressa.

Cum ergo pateat propositam Quæstionem meritò agitari, hinc consequens est, merito quoque solvendam suscipi. Ad solutionem autem, Distinguendum inter amissionem Privilegii, quæ fit per Praescriptionem, & amissionem, quæ fit per Renuntiationem; Ad Priorum pluribus a cibis non interruptis opus est, atque etiam spatio temporis ad præscribendum requiri: Ad Posteriorem suffici unicus actus: hoc autem discrimen est inter Actus, quibus præscribitur, & Actus quibus renuntiatur, quod isti fiant à Privilegiato, illi autem ab ipso præscribente.

### QUÆSTIO XV.

*An Prelatus non Exemptus ab Ordinarii Jurisdictione, possit præscribere Episcopalem Jurisdictionem?*

*Quærendi causa:* Hujus Jurisdictionis Capax est, cum sibi possit committi etiam ab Episcopo, non solum Commissione Particulari, sed & Generali, quæ tota vel fere tota Jurisdictione delegatur; hinc factum est, ut Prælati Inferiores multa Jura Episcopalia contrâ Episcopum præscribent. Talia sunt 1. Jus conferendi Beneficia in Decanis, Præpositis, Archidiaconis, Capitulis. 2. Jus prædicandi in Theologo, in Parochio. 3. Jus absolvendi à Casibus reservatis in Penitentiario. 4. Jus visitandi in Archidiacono & in Archipresbytero. 5. Jus exercendi Jurisdictionem in primâ Instantiâ erga aliquos in Capitulis quibusdam: Ex illâ autem talium Jurium Praescriptione inferri posse videtur, talia quoque Episcopalia Jura ab eodem Prælato non Exempto præscribi posse; sicut enim præsumptum est, Episcopum talia Jura transmisisse in Prælatos Inferiores, patiendo, ut illa exercearent sine Commissione expressâ, sic præsumere idem liceret de ceteris Juribus, si per 40. annos possiderentur à Prælatis non Exemptis, Episcopo non contradicente.

Hic